



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 70. Suprema administratio trium Ordinum militarium in Hispania a Papa Ferdinando concessa.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.
A.C. 1493.

§. LXIX.

Episcopatum Sedium erectio in Granatensi Regno.

*Bullar. l. 4.
p. 230.*

*Raynald ut
supr. n. 14.*

Mense Aprili ejusdem anni summus Pontifex aliud diploma in Hispaniam misit Abulensi Episcopo inscriptum. Huic, postquam Ferdinandus Granatæ regnum recuperaverat, negotium dedit, ut veteres Ecclesias restauraret, ac quatuor Cathedrales constitueret, scilicet Granatensem, quæ Metropolis jure gauderet, Malaginsensem, Guidinsensem, atque Almeriensem, cuilibet harum Diæcesium juxta limitum extensione designata.

§. LXX.

Suprema administratio trium Ordinum militarium in Hispania Ferdinando concessa.

*Vid. supr.
Lib. CXVI.
§. 104.*

Sub idem tempus Alexander Papa Ferdinandum honorabat supremo Magisterio Ordinum Equestrium, sancti Jacobi, & Alcantaræ; cum eidem jam priori tempore Innocentius ad dies vitæ concesserat Calatravensem Magistratum, qui per mortem Garziæ Pardillæ vacaverat. Præterea anno a partu Virginis millesimo quadringentesimo nonagesimo tertio, Alphonso Cardena fatis functo, idem Ferdi-

Ferdinandus magnus S. Jacobi Magister Sæcul. XV.
 creatus est, anno vero sequenti, post- A.C. 1493.
 quam supremus Alcantaræ Magister Joanes Stunica ad Hispalensem Episcopatum euectus esset, hujus Ordinis administratio cedebatur Ferdinando, quo defuncto Isabella, si forte superstes, ea potiretur.

§. LXXI.

Christophori Columbi reditus in Hispaniam.

Postquam Christophorus Columbus navigationem suam felici exitu coronasset, necnon ligneum quoddam propugnaculum ad Cuanalayæ regionis, quæ ex Lucaiis insulis una est, litora exstruxisset, ac triginta octo Hispanis firmasset, tandem in Hispaniam reversus est, ad portum Palos immensas auri & mercium, quas ea terra fundit, divitias secum deferens. Admittitur ad Regis consilium, atque itineris sui relatio cum ingenti applausu excipitur. Ubi cum ditissimas hasce Provincias occupandi facilitatem exposuisset, sancitum fuit, ut ad illas Christophorus Archithalassi Indi dignitate auctus mitteretur, eidemque cuncta, quæ peteret, privilegia concederentur. Hanc in rem diploma ei datum fuit die duodevigesimo Maji anno salutis millesimo quadringentesimo nonagesimo

Barros dec. 1. Asia l. 3. c. 11. Surita tom. 5. l. 1. c. 25.

M m 5 tertio.